



Inatsisartunut ilaasortaq Kuno Fencker, Naleraq
/Maani

30-07-2025

Suliap normua: 2025 - 391
All. normua. 22954854

§ 37 naapertorlugu apeqqummut nr. 2025-103-imut akissut

Postboks 1015

3900 Nuuk

Oqarasuaat (+299) 34 50 00

Fax (+299) 32 50 02

Mail: govsec@nanoq.gl

www.naalakkersuisut.gl

Inatsisartut Suleriaasianni § 37, imm. 1 naapertorlugu Greenland Airports, Mittarfeqarfiit A/S aamma Nuummur/Ilulissanut sanaartornermut aningaasartuutit pillugit Naalakkersuisunut apeqquutit ataani allassimasut saqqummiuppatit.

Apeqquutigineqartut tullinnguuttuni akineqarput.

Apeqquut 1. Ilulissani mittarfiliornissamut suliniut nalikilliliinissamut navianartor-siortinneqartoq Naalakkersuisut qanoq nalilerpaat, taamatullu nalikilliliinissamut qanoq piareersimasoqarpa?

Akissut: Ingerlatseqatigiiffiup suliffeqarfimmik ingerlatsineranut pilersaarummi tunngaviusut arlallit nutarterneqarneri kingullermik taarsigassarsinikkut qulakkeerneqarnissai Greenland Airports International A/S-p sulissutigai, taamaalluni Ilulissani mittarfiup nalikillisikkiartaartitsinissap peratarsinnaaneranut aarlerinarto-qarnera minnerulersillugu. Maannakkut ilaasunut missiliuinertigut ilisimaneqartutigit mittarfiup sinneqartoorutit pilersissinnaassappagit.

Illimagineqartup akerlianik Ilulissat mittarfiannut ilaasut amerlassusaat annertussiartunngippat, Ilulissanik nalikillisikkiartaartitsinerup Greenland Airports International A/S-p akiliisinnaassuseqarnera sunniivigissanngilaa, sanaartugaq akilerneqareersimammat. Taamaattorli taamatut amerlasussaanit kinguneqartitsineq Ilulissani angallattoqannginneranik kinguneqassaaq, taamaallunilu Greenland Airports International A/S-p taarsigassarsiarineqartut akilernissaannut piginnaassuseqarnera sunniivigissallugu.

Apeqquut 2. Aningaasanik atuivallaarneq akiitsullu qaffakkiartornerat nunatta karsiata aningaasaqarnikkut siunissaq ungasinnerusoq eqqarsaatigalugu iliuuseqarnissamut periarfissaanut politikikkullu iliuuseqarnissamut kiffaanngissusianut Naalakkersuisut qanoq sunniuteqassasoraat?

Akissut: Pisortat akiitsoqarnerat, matumani ilanngullugit Namminersorlutik Oqartussat aktiaateqarluni ingerlatseqatigiiffiutaanni aamma kommunit ingerlatseqatigiiffini qaffariartortoq Naalakkersuisut arajutsisimanngilaat. Tamanna misissueqqissaarnertigut nalunaarusiatigullu matumani ilanngullugit aningaasaqarnikkut ingerlatsineq pillugu nalunaarutikkut aamma aningaasanut inatsisissanut nalinginnaasumik nassuiaatitigut ingerlaavartumik malittarineqarpoq. Tassunga atatillugu ataatsimut aalajangersimasumik isiginninneq aallaavigalugu Naalakkersuisut sulipput, Nunatta karsiata avataani aamma akiitsoqarneq – soorlu aktiaateqarluni ingerlatseqatigiiffinni – pingaarnertigut aningaasaqarnermik ingerlatsinermi attassisinnaanermik naliliinerit eqqarsaatigineqarput.

Erseqqissarneqassaaq, Nunatta karsiata aalajangersimasumik aningaasaqarnikkut piumasaminik iliorsinnaanera ingerlatseqatigiiffiit akiitsuinit toqqaannartumik sunnerneqartanngimmat, ingerlatseqatigiiffiit inatsisitigut naatsorsuutitigullu nunatta karsianiit immikkoortitaammata. Taamaattorli nuna tamakkerlugu akiitsut ataatsimut katillutik ineriartornerat annertunerusumik tamakkiisumik isiginninneq pingaaruteqarpoq – aningaasaqarnikkut ingerlatsinermut aarlerinarsinnaasunut tatiginassusermullu tunngatillugu. Pisortat akiitsuisa ataatsimut qaffasissut siunissami qanoq iliornissamut kiffaanngissuseqarnermut killiliisinnaasoq aamma inuiaqatigiit aningaasaqarnerata aalajaatsuuneranut tunngatillugu unammillernartoqartitsinnaasoq Naalakkersuisut arajutsisimanngilaat. Taamaattumik ataatsimut akiitsut ineriartornerannut aningaasaliinerit aningaasaqarnikkullu attassisinnaassutsip akornanni oqimaaqatigiissuseqarnermut akisussaassuseqarneq qulakkiissallugu Naalakkersuisunit salliutinneqarpoq.

Nuummi Ilulissanilu mittarfinnut sanaartugassanut pilersaarutit Greenland Airports International A/S-mit suliarineqarput. Taanna aktiaateqarluni ingerlatseqatigiiffiuvoq, Kalaallit Nunaanni Namminersorlutik Oqartussanit qallunaallu naalagaaffianit aningaasaliissutinik kiisalu taarsigassarsianik ataqatigiissitsiffiusoq Nuummi Ilulissanilu mittarfiit nutaat sananeqarnerannit ingerlanneqarnerannillu qulakkeerinnittoq.

Pilersaarusiorneqarpoq Nuummi Ilulissanilu mittarfiit ingerlanneqarnerat maannakkut ingerlatsinermut pilersaarutiminnit aningaasaqarnikkullu Greenland Airports International A/S-p qulakkiissagaa peqatigitillugu taarsigassarsiatik akilissagaat piffissamilu aningaasaliissutigineqartut iluanaaruteqartitsissasut.

Apeqquut 3. Naalakkersuisut qanoq qulakkeerniarpaat siunissami attaveqarnermut suliniutit pitsaanerusumik navianaateqartunillu aqutsineq aammalu ersarissumik saqqummiussineq, taamaalillutik Nuummi, Ilulissani Qaqortumilu mittarfiliornierit assigalugit nunatta karsianut nanertuutaqqunagit?


Akissut: Maannakkut Nuummi Ilulissanilu Qaqortumilu mittarfiliornissamut suliniutinut aningaasaliissutit 1.400 mio. kr.-nit tiguneqarput taakkua sanaartugassatut suliniutit nunatta karsianut qanoq annertutigisumik nammakkersuinissaat naatsorsuutigineqassanersoq 2018-mi politikikkut aalajangiiffigineqarpoq.

Attaveqaasersuutinut suliniutinut annerusunut aarlerinarsinnaasunik aqutsineq nukittorsarniarlugu naggataani aalajangiisussanut eqqortunut akuttunngitsumik nalunaarusiortoqartassaaq, aallaavittut pineqartumut iliuusissatut pilersaarummik ataatsimut aqutsisut suliaqaqqullugit qinnuigineqassapput.

Taassuma saniatigut peqqissaartumik piareersarnissamut matumani ilanngullugit inuiaqatigiit aningaasaqarnerannut kingunerisassanik misissueqqissaarnerit suliamut tunngasunut tatigisaasaasut suliarinerinut politikikkut piffissaliinissaq pingaaruteqarpoq, taakkualu misissueqqissaarnerit inernerit politikikkut tulleriiarinernut tunngaviussapput.

Apeqquut 4. Mittarfiliortiternissanut suliniutit aningaasaqarnikkut imminut napatissinnaannginnerat naatsorsuutigineqartullu iluanaarutissaqannginnerat siunissami attaveqarnermut angallannermullu aaqqissuussaannerit, internetimut avataaniittunullu, qanoq sunniuteqassanersoq Naalakkersuisut qanoq naliliippat?

Akissut: Mittarfinnut suliniutit Kalaallit Nunaanni ineriartornermut pitsaasumik sunniuteqarumaartut aamma Nuummi Ilulissanilu mittarfiit aningaasaqarnikkut atasinnaalluarnermik pilersitsiumaartut Naalakkersuisut neriuteqarluarput.

Inussiarnersumik inuulluaqqusillunga

Jens-Frederik Nielsen
Naalakkersuisut Siulittaasuat